

मेखन्ती सहाड़ा



वाटसन गुडमैनम ले-के ख़ोड़ोचका

सिथयम—बीसागे मला

मेखन्ती सहाड़ा

धर्मस गहि कथा मैइयन्ती बरई अरा धरम खतरी कीड़ा
अरा ओनका सारउर ओर्मर गहि जियागे सहाड़ा चिःई ।
एकअम ओर्तस पाप ती पशतारदस अरा अदिन तरकूटी नन्दस
चिःइदस, अन्तिले बछाघउ उर्वस यीयु ख्रिस्तासिन तंगहै सौंसे
जिया ती पत्तःआदस आसगे उर्वस यीशुस तानिम दहदर मनोस
अरा प.त्तठसगे आस तानिम रिभिरनन अरा जोलजारेनन
चिःओस । एन-गा ए-निम १६३७ चान नू इदिन एंगहै जिया
नू खकखरकन । आ उल्लनवी अक्कुन गूटी उमीं उल्ला उर्वस संगे
मेसेरकन रअःदन ।

अक्कुन गूटी उर्वस गहि खेकखान् तंगअन अरगय जिमा
नना होले ए-न निंगन हों बिन्ती नन्दन का तंगअन अक्कुनिम
आस गहि तवेनू ह.रछःअर चिआ । —वाटसन गुडमैन

धर्मस गहि चोन्हा ।

प्रकाशित वाक्य १ : ५

यीशु ख्रिस्तस, पचःआना जोक्खा गोवाही चिउस, अरा केच्चकर गहि मभ्किन्ती उज्जा चुःउनु ओतखासिम जेट्टस अरा खे-खेलता बे-लर गहि बे-ल तलदस, आस नमन दुलार नन्दस अरा तंगहै खेःएना ती नमन नमहै पाप ती लांड़ियस । आस तरती निमागे चोन्हा अरा जिया सालना खक्खरनुम रःअन नेकआ ।

योहन ३ : १६

धर्मस खे-खलन इंवदा चोन्हा नन्जस, का आस तंगहै ओर्त एकला तंगदासिन चीचिच्चस, एकत्ती आसनु ओमी पत्तःउर नाश मला मनोर, पहकन मलमुंजुरना उज्जनन खक्खोर ।

रोमी ५ : ८

धर्मस नमन एवं बग्गे चोन्हा नन्दस अदिन ए-दकस रःअदस इदातो पपहा रःअना बेड़ानुम ख्रिस्तस नमहै करने केच्चस ।

यीशु ख्रीस्तस धर्मस त.लदस ।

१ तिमोथी ३ : १६

नमहै धर्मस गहि गुद्दा कत्था एंवदा कोहा रई इदिन ओर्मर माइन
हो:अनर !

यीशूस आल रूपेनू एत्थरस ।

बो-लतानू धर्मी ठहरारस ।

अरा मेख्खा दूतर आसिन ईरयर ।

राजी राजिन्ता आजर आस गहि पतनू परचार नन्जर ।

खे-खेलता आलर आसनू पताचर ।

अरा आस मेख्खा मैइया अरिगयस ।

मत्ती १ : २२, २३

इबड़ा उर्मी ईगे मंनजा एकत्ती नबिसती आनका उर्बंस धर्मस गहि
कत्था सत्ते उर्खन नेकआ: “ए-रा डिण्डा पेल्लो ओत्था ए-ख मनो अरा
खद्दासिन पाको, अरा आस इम्मानुएल बारओस (इदातो “धर्मस नम गने)” ।

यीशुस धर्मस गहि खद्दस

3

कोलोसी २ : ६

यीशु ख्रीस्तसनु मे-द गने धर्मे मनना छलछलरआ निन्दकी र:ई ।

१ योहन ४:१५

एकाओतंस यीशुसिन धर्म-खद्दस ब:अर माइन हो:अदस आस धर्मस नू र:अदस अरा धर्मस आस नू ।

लूक १ : ३५

दूत अदिन आना किरताचा, नेम्हा बो-लता निग मैइया एत्तो अरा धर्मस गहि सवंग निग नू ओकरोओ, ई करने आ नेम्हा खद्दस धर्मे खद्दस बारओस ।

यशै ६ : ६

ईगे का नमागे ओतं खद्दस कुन्द्रकस र:अदस, नमागे ओतं बबु खद्दस चीरकस र:अदस । आस गहि खेसेर नू राजी नन्ना गहि ओत्था चिरखी र:ओ । आस गहि नामे हयकट, मुद्यस, सौंगिया धर्मस सदो-सदो ता बंगस अरा जिया सालना चिऊ बे-लस मनो ।

4 यीशुस ने त.लदस अदिन आस नमन तेंगदस ।

योहन ८ : ५८

यीशुस आनियस ए-न निमन मानी मानिम आनदन अब्रहामस गहि कुंद्रना मुन्धतिम ए-न रःअदन ।

योहन ११ : २५

नीम एंगन “गुरु” अरा “उर्बस” बःअदर अरा नीम ठौकम आनदर, ईगे का ए-न एन्नेम त.लदन ।

योहन १० : ७

यीशुस आरिन फीन आनियस ए-न निमन मानी मानिम आनदन ए-न मेढो गहि बली त.लदन ।

योहन ६ : ३५

यीशुस आरिन तिगयस, “ए-न उज्जना गहि असमा त.लदन ने एंगुसन बरओस आस एकौउला हों कीड़ा मला सारओस अरा ने एंग नू पत्तोओस आस एकौउला हों ओनका मला सारओस ।

मत्ती २० : ३०-३४

एं-इ गोटंग अंधरर डहरे कूटी नू ओकरर यीशुस गहि कानन मेन्जर
 औगे आर चिचयारर, “ए दाऊद खद्दय” एम मैइया दया नना । यीशुस
 आर मैइया गम मोक्खस अरा आर गहि खन्नन एवंसरस । आ खनेम
 आर ए-रा हेल्सर अरा आसिन गुड़ियाचर ।

लूक ५ : ४-६

कच्छनक्खरना मुन्जरा आ खो-खा यीशुस शिमोनसिन आनियस
 “डोंगन हाड़ी गड्डी अम्म तरा हो:आ । अरा नीन संगियर गने इंजो
 धरआगे जल्लिन हेबड़ा ।” शिमोनोस आना किरताचस “गुरु ! ए-म
 भर माखा खड़दना गूटी नलख नन्जकम अन्नुहों एन्दराहो मला धरचकम
 प.हकन निंगहै आनका लेखआ ए-न जल्लिन हेबड़ोन ।” आर जल्लिन
 हिबिड़यर खने जल्ली एटेरना लेखआ अकय बग्गे इंजो बभररा ।

6 यीशु ख्रिस्तस सिरजुःउस अरा उर्वस तलदस

योहन १ : ३

यीशु ख्रिस्तस नू मनर धर्मस उर्मी आलोन कमचस । खे-खेल मेर्खा ता ओंटःअकेम आलो हों आस बेगर मला कमरकी रःई ।

रोमी १४ : ६

यीशु ख्रिस्तस उज्जना अरा केच्चका आलर गहि उर्वस मनागे केच्चस अरा उज्जा चो-चस । प्रेरितक्रिया २ : ३६

ओर्मा इस्राइली आलर मानिम अखनर नेकआ का ई यीशु ख्रिस्ता-सीनिम ने-कन नीम कूश नू पिटकर, धर्मस उर्वस अरा मसीहस कमचकस रःअदस ।

कोलोसी १ : १६

ईगे का मेर्खा अरा खे-खेलता, ए-थेरना अरा मल ए-थेरना आलोन, बो-लता गहि सवंग तुले, उर्वर, हाकिमर, अरा अद्विया उइयुर, उर्मी आलोन, धर्मस यीशु ख्रिस्तस गहि लेके अरा आसगेम सिरजाचस ।

यीशु ख्रिस्तस नाम ओर्मंत गहि रायबड़ी ननोस 7

रोमी १४ : १०

एन्देर गे नीन निगहै भैइस मैइया गुन्हा ठेका बःअदय एन्देर गे नीन
निग भैइसिन मलकोड़े बःअदय । नाम ओर्मंत गे गा धर्मंस गहि रायबड़ी
बे-लकंडो मुन्घभारे इजना मनो ।

योहन ५ : २२

बंगस तनिम नेखै हों रायबड़ी मला नन्दस, आस तंगदस गे रायबड़ी
ननना गहि उर्मी हक चिच्चकस बेःएदस ।

प्रेरित क्रिया १० : ४२

यीशुस एमन आलारिन सुसमाचार परचार ननागे अरा ई कथा गहि
गोवाही चिःआगे पे-सकस रःअदस का धर्मन केच्चका अरा उज्जना आलर
गहि रायबड़ी ननागे यीशु ख्रिस्तसीनिम ठहराचकस रःअदस ।

इब्रानी ७ : २५

“यीशुस आस खतरी गोहरारआ गे सदी उज्जदस, आंगे ने आस गहि लेके धर्मस गुसन अंडसनर आर गे आस गोढा लांडरनन चिःआ ओंगदस ।”

प्रेरित क्रिया ४ : १२

“लांडरना रोटओ यीशुसती रःई । नघ्नरती लांडरना मल्ला, ईगे का मेखा बेलखा किय्या आलर मभी नू धर्मस नघ्ना नामेन मला चिच्चकस रःअदस एकती नाम लांडरआ ओंगोत ।”

कोलोसी १ : १२-१४

बिल्ली नू रःअनर आ नेम्हा आलर गहि अदिया गहि खट्टरउ नाम मनोत । नमन ई जोक्खा कमउ बंगासिन ओललग्गनुम रःआ । आसिम नमन ऊखा गहि तबे ती लांडर तंगआ आ दुलारु खट्टस गहि बेलखा नू ओंदरस एकान्तू नमा लांडरना इदातो पाप अम्बरना खविखरई ।

तितस २ : १४

तंगागे रोटओ दवनलख नू लक्किम रःऊ ओंटा जाति कमआगे यीशुस नमहै खतरी तंगन ची-चिःअर की नमन उमीं हरमजदाई ती बछ्छाबाचस अरा नेम्हा नन्जस ।

योहन १४ : ६

यीशुस आसिन आनियस “ए-निम डहरे, सत्तो, अरा उज्जना त.लदन एंगन अम्बर ने हों बबस गुसन अंङसा पुल्ली ।

प्रका. बा. ५ : ६

आर एन्ने बःअनुम ओंटा पुना डंडिन पाड़ियर :— नीन दांड़े मन्जकय अरा निंगहय खे-सो ती गोतर अरा भखा अरा आलर अरा जाइत ती धर्मस गे आलारिन लांङकय, आंगे नीन ई पुथिन होःआगे अरा अदि गहि छापन कोल्लागे जो-गे रःअदय ।

10 यीशुस गहि ख्रै-सो नमहै इउजी मंन्जा ।

इफिसी १ : ७

नमहै उर्बस यीशु ख्रिस्तस गहि धर्मस, महबा गहि बंगस, तंगन अखआ खतरी सिमागे लूर अरा उधार गहि बो-लतम चिःइदस नेकआ ।

१ योहन १ : ७

धर्मस एकासे बिल्ली नूरःअदस अन्नेम नाम बिल्ली नू ए-कोत, होले आस संगे मेसेरकानूरःअदत, अरा आस गहि खद्दस यीशुस गहि ख्रै-सो नमन उर्मी पाप ती नेमहा ननी ।

इब्रानी ६ : १४

ख्रिस्तस गहि ख्रै-सो बगे नलख ननी । आस हुल्लोन्ती हुल्लोन्ता नेमहा बो-लतस गहि लेके, धर्मस गे तंगन आटा दवनू पुरुचका दांडे अरगा-चस, आ ख्रै-सो निमहै जिया गहि धकधकिन उज्जना धर्मस गहि तेतर-सुसर ननागे केच्चका नलख गुट्टी ती और हों कोड़हे नेमहा ननो ।

यीशुस नू पत्तःआना तीं लांडरना मनी

॥

१ योहन ५ : ४

धर्मस ती कुन्दुरकर दुनियन जितनर अरा आ जीत एकदा दुनियन हरा बिःई आद नमहै पत्तःआना तली ।

इफिसी २ : ८, ९

ने-का हों जहड़ी ननना गहि अड्डा मल्ला, ईगे का ने हों तंगआ ती अरा तंगआ नलख ती लांडरआ पुल्ली । लांडरना रोटओ पत्तःआना ती धर्मस गहि दया अरा दान ती मनी ।

योहन ६ : २८, २९

खने आर आसिन बाचार; “धर्मस गहि नलख ननागे ए-म एदेर ननोम ? यीशुस आरिन आनियस, “ने-कन धर्मस तैइकस रःअदस आस मैइया पत्तःआ” ईदिम धर्मस गहि नलख तली ।”

धर्मस गहि सोग्गे ।

भजनसंहिता १०३ : ११

एकासे मेखा खे-खेल ती अकय मेच्छा नूरःई अन्नेम आसिन
इलचुर मैइया धर्मस गहि मलटगरना चोन्हा अकय बग्गे रःई ।

भजन संहिता १०३ : १७

उर्बस गहि मलटगरना चोन्हा आसिन इलचुर मैइया हुल्लोन्ती हुल्लो
गूटी अरा आस गहि धरम आर गहि खद्दर गहि खद्दर मैइया रःई ।

तितस ३ : ५

यीशुस नमन लांडियस, नमहै नन्जका धरम गहि चहुे मला प.हकन
तंगहै मयाती, पुना कुःदुरना गहि एमना अरा नेमहा बो-लतस गहि लेके
नमन पुना कमनाती एन्ने नन्जस ।

निंगहै मलटगरना चोन्हा मेखा मैइया अकय कोहा रःई निंगहै
पत्तियार जो-गे रःअना बदालिन ठिकई । भजन संहिता १०८ : ४

प्रकाशित वाक्य २२ : १७

अरा बो-लतस अरा बिजरूउ पेळो इबारिम आननर, बरा ! अरा
मिनुस हों आनदस नेकआ बरा ! अरा ओनका सारऊस बरदस नेकआ
अरा ने बिद्दी आस उज्जनां गहि अम्मन सिथयम ओन्दस नेकआ ।

मत्ती ११ : २८

ए नलखती खड़दका अरा ओत्था चिरखी ती कजरका ओर्मा
आलारो, एंगुसन बरा, ए-न निमागे खन्न ए-खनन बिओन ।

यशायह १ : १८

उर्बस बःअदस बरा अक्कुन नाम होड़ा बजी मनोत, निमहै पाप
लाही लेखआ इथरिई आद हों कीबा लेखआ पंडहं मनो कालो अरा खे-सो
खोरओ आद हों तिलासार लेखआ मनो कालो ।

रोमी ८ : १४, १५

एवंदा आलर धर्मस गहि बो-लतस गहि ए-कतःआना लेखआ ए-कनर आरिम धर्मस गहि खद्दर त.लनर । एंदेरगेका निमा जों-ख मन्ना गहि बो-लता मला खक्खरा का नीम एलचोर, मुन्दा निमा एवंखोचका खद्द मन्ना गहि बो-लता खक्खरकी रःई, ओंगे नाम अना बा, अना बंग में-खदत ।

१ योहन ३ : १०

इत्ती नाम ए-रा ओंगदत का ने ने नाद गहि खद्दर त.लनर । एका ओर्तस दव नलख मला नन्दस, एका ओर्तस तंगहै भैइसिन चोन्हा मला ननदस, आस धर्मस सरती म.लदस ।

योहन १ : १२

ने ने आसिन ग'हन नन्जर, ने ने आस गहि नामे नू पत्ताचर आर गे आस धर्मस गहि खद्द खर्रा मन्ना गहि अद्वियन चिच्चस ।

उंखना गहि प.त्त नू धर्मस गहि कथा । 15

यशैयाह ५ : ११

आर मैइया हाय ! ने बिज्जातिम अरखी ओना हेलेरनर अरा ऊखा-माखा उंखना गूटी चोतोर चोआ उन्नुम रःअनर ।

नीति बचन २३ : ३१, ३२

एका बीरी ढोठओ रासी खे-सो ईथिरई, आ बीरी आद डुमा नू एका नगद सुभई । आद तुंदरिई आ बीरी नीन अदिन अम्बा ए-रा । मुन्जा नू आद नेरं लेखआ परमी अरा करेइत लेखआ खच्ची ।

गलाती ५ : १६ और २१

मे-द गहि नलख दहदर रःई, आद इबड़ा तली, भंडना, सोतबोड़आ, खाड़पो, कमचकन ओललग्गना, देवडःआना, कांडना, लग्गा नक्खरना । अरा इबड़ा लेखआ नघ्ना-नघ्ना नलख । इबड़ा गहि पत्त नू ए-न निमन मुन्धिम आनदन चिःइदन, एकासे मुन्ध हों आना खच्चकन बेःएदन का एन्ने-एन्ने नलख ननुर धर्मस गहि बेलखा गहि अदियन पोल्लोर खक्खा ।

एकासे आस ब.हरी सडक नू उरखस अन्नेम ओर्त आलस आस गुसन बोंकासिम बरचस अरा आस गहि मुन्धभारे मूकुल इहरस अरा आसिन मेन्जस; “अना दव गुरु मुन्जा म.लका उज्जनन खक्खागे ए-न एन्देर ननोन ?” यीशुस आसिन आनियस, “नीन एंगन एन्देर गे दव बःअदय ? धर्मसिन अम्बर ने हों दव मल्ला । नीन गा पे-सका गुट्टिन अखदय, आल अम्बा पिटा, अम्बा भंडरआ, अम्बा खडआ, फसियड गोवाही अम्बा चिआ, अम्बा फसटआ, तंगआ बंगासिन अरा तंगआ अयंगन ओहमा नना ।” आस आसिन आना किरताचस, “ए गुरु, ए-न गा इबडन ओंद कुक्को परियनतिम पे-सेरनुम बरआ लगदन ।” यीशुस आसिन लुंड लुंडरआ ईरयस अरा आसिन चोन्हा नन्जस अरा आसिन आनियस निगनू ओंटा कत्या गहि घटी रःई । कला निगहय एंवदा रःई अबडन उर्मिन बीसर दरा कीडरगे चिःआ, अन्ति नीन मेर्खा नू खुर्जी खक्खोय, अरा बरा एंगने

चोंखोरआ । आंगे ई कत्था ती आस गहि मुंही चड़मिया केरा अरा आस
कोल्लम मनर किरिम बिच्चयस । आस गहि बगगे खुरजी रहचा ।

अम्बा ठकरआ

17

याकुब १ : २२

आनका देव कत्थन मिनु एकला मला प.हकन अदी लेखआ ननु-
ईकू हों मना, मलता नीन निगानिम ठकओय ।

इफिसी ५ : ६

ने हों निमन बैयतल कत्था ती अम्बनर ठकनर नैकआ, ईगे का
इबड़ा करनेम धर्मस गहि पेन्सकन मला मनउर मैइया आस गहि
खींस मनी ।

१ कोरिन्थ ६ : ६, १०

धरम म.लकर धर्मस गहि बेलखा गहि हकदार मला मनोर, नीम
एंदेर इदिन बलदर ? अम्बके ठकरआ; भन्डर गुसन कालुर, लुच्चर,
भंडरुउर, खड़उर, सीबाखारउर, उंखुर, किबुर अरा ठक्कउबच्चुर धर्मस गहि
बेलखा गहि हकन मला खखोर ।

पाप खे:एनन उंदुर:ई ।

लूक १५ : ३२

नमागे खुशमारना चाड़ र:ई, ईगे का ई निंगडिस केच्चकस रहचस
फिन उज्जयस, आस एबसेरकस रहचस फिन खक्खरस ।

याकुब १ : १५

चपचपी ओत्था ए-ख मनी दरा पापन कुंदुरति:ई अरा पाप प.रद-
खच्ची होले खे:एनन खंजति:ई ।

रोमी ५ : १२

ओर्त आलस गहि ले-के पाप खे-खेल नू वरचा, अरा पाप गहि
ले-के खे:एना बरचा । ई करनेम ओर्मर गे खे:एना मनी ।

हिजकियेल १८ : २०

पाप ननोस आस खे:ओस । खद्दस तम्बस गहि अरा तम्बस खद्दस
गहि मलदव चिरखिन पोल्लोस चेड़आ । धर्मिस गहि धरम आस मैइया
मनो अरा पपहस गे पाप गहि खंजपा खक्खरोओ ।

योहन ११ : ४३, ४४

यीशुस कोहा सहाती मीखयस, ए इलियाजर उरखर बरा ! खने आ केच्चका आलस किचरी ती खेड्डु खेक्खा हे-रका अरा गमछाती मुंहिन मुंधुचका बारी ब.हरी बरचस ।

योहन १० : १७, १८

ए-न एंगहै जियन चिःइदन ईगे बबस एगन चोन्हा नन्दस । एंगहै जि न एका ओतंस हों एंगुसते मला बच्चदस, ब.चकन अदिन ईनिम चिःइदन, अदिन चिःआगे एंगा अदिया रःई अरा फीन होआगे हों एंगा अदिया रःई, एन्ने एंगन बबस पे-सकस रःअदस ।

प्रकाशित वाक्य १ : १८

ए-न केच्चकन रहचकन, ए-न हुल्लोन्ती हुल्लो गूटी उज्जदन, खेःएना अरा नरक गड्डी गहि कुंजी एंगुसन रःई का ए-न अदिन फिन होओन ।

व्यवस्था विवरण ५ : ७-२१

एंगन अम्बर नीन ने-कन हों नन्नारिन धर्म अम्बा अखआ । मेर्खा
मैइता अरा किय्या खे-खेल ता का खे-खेल ती किय्या अम्म ता एकअम
आलो लेखआ मूर्ति अम्बा गढ़आ । अबड़ा गहि मुन्धभारे अम्बा मूकुल
इदिरःआ अरा अबड़न अम्बा सुमरआ । उर्बस निंगहै धर्मस गहि नामेन
अंघधःअम अम्बा पिजा ईगे का धर्मस तंगहै नामेन अंघधःअम पिजुरिन
बेगर दंडे मला अम्बोस ।

एकासे उर्बस निंगहै धर्मस निंगन पे-सकस रःअदस नेमहा उल्लन नेमहा
उइया । सोय्ये उल्ला निंगहै उर्मी नलखन नना, सयता उल्ला उर्बस निंगहै
धर्मस गहि खन्न ए-खना उल्ला तली ।

निंगहै उर्बस धर्मस गहि पे-सका लेखआ निंगहै अयो बवन महबा
नना ।

अम्बा भंडा ।

अम्बा खडा ।

निगहे अरबर-परबर गहि बिडदो फसियड गोवाही अम्बा चिःआ ।

अरबस-परबस गहि आलिन, खल्ल उखाडिन, जों-खासिन, पेल्लोन,
ओय-अडुोन, गदहन अरा एकअम आलोन सीबा अम्बा खारआ ।

नीम धर्मेस ती नूखुरआ पोलदर

यिरमियाह २३ : २४

उर्बस बःअदस एन्देर नीकइम नूखुरका अड्डा नू नूखुरआ ओंगोस ?
एन्देर ए-न मेर्खा अरा खे-खलन मला टपचकन रःअदन ?

एन्दरा हों नूखरका मल्ला एकदा उघार मला मनो; अरा रन्दरा हों कुलुरका मल्ला एकदा मला अखतारओ अरा दहदर मला मनो ।

ऐयुब ३४ : २१, २२

धर्मस गहि खन्न आलस गहि उज्जनन ए-कनन ईरी, आस आस गहि उमी काना बरनन ए-रदस । ऊखा अरा खे:एना गहि ऐ-ख एकसन हों मल्ला, एकसन मलदव ननुर नूखुरआ ओंगोर ।

नीतिबचन १५ : ३

उबंस धर्मस गहि खन्न उमी अड्डा नू र:ई अरा दव मलदवन ईरी ।

भजन संहिता १३६ : ८ और १२

ए-न मेखा मैइया अरगोन होले नीन असन र:अदय, ए-न नरक नू पिटरी अट्टोन, ए-रा नीन असन र:अदय ह:ई ऊखा निगती पृल्ली नुडआ, मुन्दा माखा उल्ला लेखआ बिलची, निगागे ऊखा अरा बिल्ली ओंटादिम त.ली ।

मलदव ननुरगे सदौ सदौ वा डंडे

23

भजन संहिता ६ : १७

पपहर अरा अबड़ा उमी जातियर ने धर्मसिन मूधुरई आर नरक
नू कालोर ।

मत्ती २५ : ४६

अरा ईर (पपहर) मल मुंजुरना सस्ती नू पहेँ धर्मिर मुन्जा म.लका
उज्जना नू कालोर ।

२रा पतरस ३ : ७

धर्मस गहि आ कत्यातिम ई बेड़ान्ता खे-खेल अरा मेर्खा चिच्चती
नाश मनना खतरी जतनारआ लगी अरा एकीउला पपहर गहि रायबड़ी
मनो अरा आर नाश नन्तारओर आ उल्ला गे उइरआ लगी ।

आलस गहि खद्स तंगहै दूतारिन तैइयोस, अरा आर आस गहि
बेळखन्ती उमी पाप नन्तुउरिन अरा अनआ मनआ गहि मलदव ननुरिन
खों-ड़ओर । अरा आरिन चिच्च गहि भट्टा नू हेबड़ोर, ऐइया आर गे
चीखना दरा पल्ल चबरना मनो ।

मत्ती १३ : ४१, ४२

मुन्धभारे रायबड़ी रःई

इब्रानी ६ : २७

आलर गे ओंधोन खेःएना अरा अदी खो-खा रायबड़ी उइरकी बिःई ।

१ योहन ४ : १७

ई गेम लोला नमनू पुंगुरकी बिःई का रायबड़ी उल्ला नू नमा डिढ मनो एन्देरगे का एकासे आस रःअदस अन्नेम नाम हों खे-खेल नू रःअदत ।

रोमी १४ : १२

नाम ओर्त-ओर्त धर्मस गे तंगआ-तंगआ लेक्खा चिओत ।

प्रेरित क्रिया १७ : ३१

आस उंदुल उल्लन उइकस रःअदस, एकन्तू आस धरमती खे-खेल मेख्वा गहि रायबड़ी आ आलस त्रू ननोस ने-कन आस केच्चकर ती उज्जा चो-दअर इज्जताचकस बेःएदस ।

१ पितर ५ : ५

धर्मस जहड़िर गहि बिरोध नन्दस मुन्दा नरमियर मैइया सोगगे
ए-रदस ।

रोमी ६ : १६

ईद आलस गहि बेदना करने मला, अरा आस गहि नलख करने हों
मला, ईद सुदो धर्मस गहि दया करने तली ।

प्रेरित ४ : ३३

अरा तैइरकर कोहा सवंग ती उर्बस यीशुस गहि उज्जा चो-चकन
तेंगा लगियर अरा आर ओर्मर नू बगगे दया रहचा ।

२ कोरिन्थ ८ : ६

नीम नीमहै उर्बस यीशु ख्रिस्तस गहि दयन अखदर आस उरुब मनर
निमागे कीड़ा मन्जस का आस गहि कीड़ा मन्जकाती नीम उरुब मनोर ।

प्रेरित क्रिया ३ : १६

जियन किर्तःआ दरा धर्मस तरा किरा होले आस निमहै उमी
पापन छेमा ननोस चिओस ।

२ कोरिन्थ ७ : १०

धर्मस तरती बरचका कोल्लम वी जिया बदलारई, एकती लांङरना
मनी, खेखेलता कोल्लम ती खेःएना मनी मुन्दा धर्मस तरता कोल्लमती
पसतारना मला मनी ।

मती ३ : २

बपतिस्मा चिउ योहनस बाचस; निमहै चलोन बदलआ ईगे का
मेखी राजी हेद्वे बरचा केरा ।

लूक १३ : ३

मला, ए-न निमन तेंगदन नीम निमहै उज्जना गहि चलोन मला
बदलओर होले नीम हों आर लेख अम खेओर ।

यशायाह ५५ : ७

पपहस तंगहै चलोन अम्बदस नेकआ, धरम म.लकस तंगहै धोखनन बदलअदस नेकआ; आस उर्बस तराकिरदस नेकआ, जेनू आस मैइया दया मनो आस छेमा मैइया छेमा चिओस ।

मत्ती ६ : १४

नीम आलर गहि गुनहन छेमा ननोर होले निमहै मेखा बंगस हों निमहै गुनहन छेमा ननोस ।

प्रकाशित वाक्य ३ : २०

ए-रा ए-न बली नू इज्जअर ठोक ठोकाम बःअदन नीकइम एंगहै सड़न मेनर बलिन तिसगोओस होले ए-न आस गुसन उला कोरओर आस गने ओनोन-मोखोन अरा आस एंगने ।

दुनियादारी उज्जना ती तरकूटी मनना ।

इफिसी ५ : ११

ऊखा ता मलदव नलख ती अम्बा संगे मना प.हकन अदिन खांडा ।

१ योहन २ : १५, १६

दुनियन अरा दुनिया ता आलोन हों चोन्हा अम्बानना नीकइम
दुनियन चोन्हा ननी होले आस नू बंगस गहि चोन्हा मल्ला ।

कोलोसी ३ : २

दुनियन्ता मला प.हकन मैइयन्ता कत्था नू जियन लगाबआ ।

तितस २ : ११, १२

लांडरनन चिउ धर्मस गहि दया ओर्मा आलर मभी दहदर मंजा;
आद नमन तिगाबई का नाम धर्मसिन एलेचदत नेकआ दुनियाता चपचपिन
हीडदत नेकआ अरा इन्नेलाता दुनिया नू ने-त अरा धरम ती धर्मसिन
इलिचनुम उज्जदत ए-कदत नेकआ ।

१ योहन ५ : १८

नाम अखदत का एका ओर्तंस धर्मस ती कुंदुरकस बे:एदस, अरा नेकन धर्मस तंगहै खद्द कमचकस रअदस, आसिन आस ओर्द:अर उइदस, एकत्ती नाद आसिन पुल्ली एंवसरआ ।

१ पितर १ : २३

नीम बुड़रुउ बिहनी मला मुन्दा मल बुड़रुउ बिहनी इदातो धर्मस गहि उज्जना, अरा सदौ रऊ अन्थन दव कत्था गहि लेके पुना कुंदुरनन खक्खकर बे:एदर ।

योहन ३ : ३

यीशुस आसिन आना कित्तिचिस, ए-न निगन मानिम आनदन, आलस पुना सिरे मला कुंदुरोओस होले धर्मस गहि बेल्खन पोळोस ए-रा ।

पाप खतरी खे:एना यीशुसन् उज्जना

कोलोसी ३ : १

ईगे का नीम ख्रिस्तस गने उज्जदर आंगे मैइयन्ता आलोन बेदा,
एकसन ख्रिस्तस धर्मस गहि तीना चोक्ख उक्कस बे:एदस ।

इफिसी २ : १ और ६

नीम निमहै पाप चड्डे केच्चकर रहचकर, निमन आस उज्जता-
चस अरा यीशु ख्रिस्तस नू आस गनेम चो-दस अरा मेर्खा अड्डा नू आस
गनेम ओक्कताचस ।

गलाती ५ : २४

ने ख्रिस्तस गहि त.लनर आर कयन अदि गहि दुलार अरा चपचपी
गने क्रूश नू अरगाचर । रोमी ६ : २ और ११

नाम पाप खतरी गा केच्चकत तो एकासे फिन अन्नुम उज्जनुम
रओत ? अन्नेम नीम हों तंगअन पाप खतरी केच्चका अरा नमहै उबंस
यीशु ख्रिस्तस नू नम्है धर्मस गे उज्जना बुभुरआ ।

योहन १७ : ३

नीन ओर्त एकला मानी धर्मसिन अरा यीशु ख्रिस्तासिन ने-कन
नीन तइकय, अखंनर नेकआ, ईगेका ईदिम मल मुञ्जुरना उज्जना तली ।

योहन ५ : २४

ए-न निमन मानी मानिम आनदन; ने एंगहै कत्थन मिनी
अरा एंगहै तैइयुसिन पत्तई आर गे मल मुञ्जुरना उज्जना र:ई, आर
गे दंडे मला मनो ब.चकन आर खे:एनती कट्टियर दरा उज्जना नू
अंडसकर बे:एनर । रोमी ६ : २३

एन्देर गे का पाप गहि मुल्ली खे:एना नली मुन्दा यीशु ख्रिस्तस
नू धर्मस गहि चिच्चका बकसीस, मुन्जा मलका उज्जना तली ।

ने खदासिन पत्तई आर गे मुन्जा मलका उज्जना र:ई प.हकन
ने खदासिन मला पत्तई आर आ उज्जनन मला खक्खोर ब.चकन धर्मस
गहि खींस आर मैइया मनो । योहन ३ : ३६

पोकता उबार (उद्धार)

यशायह ३२ : १७

धरमती उज्जना गहि खंजपा आलर नू मेसेरना अरा अदि गहि करने
सदौ गहि सलसांत अरा निरदंद रःअना मनो ।

योहन १४ : २१

ने एंगहै पे-सकन खक्खर अदिन पूरा ननी आरिम एंगन लोला
नन्नर अरा ने एंगन लोला ननी आरिन एम्बस लोला ननोस अरा ए-न
आरिन लोला ननोन अरा तंगःअन आर नू दहदर ननोन ।

रोमन ८ : १६

बो-लता तानिम नमहै बो-लता गे गोवाही चिःई का नाम धर्मस गहि
खदत त.लदत । १ योहन ३ : १८, १९

एंगहै लेल्ले खदरो ! नाम कत्था अरा ततखाती एकला मला मुन्दा
नलख अरा सत्ते ती लोला ननोत इत्तिम नाम अखदत का नाम सत्ते गहि
त.लदत अरा आस गहि मुन्दभारे नमहै जिया पोकता रओ ।

जिया उला रऊ ख्रिस्तस खुशमारनन चिःइदस । 33

योहन १५ : ११

यीशुस बाचस, इबडा कथन ईगे आनकन एकती एंगहै खुशमारना
निमनू रअःन नेकआ अरा निमहै खुशमारना पुरुचका मनन नेकआ ।

यशायह १२ : ३

आंगे खुशमारना गने उबार गहि कूबी ती नीमअम्म निन्दओर ।

गलाती २ : २०

ई लेखआ अक्कू गा ए-न मला उज्जदन मुन्दा ख्रिस्तस एंग नू
उज्जदस, एका उज्जनन ए-न अक्कू उज्जदन अदिन धर्मस गहि खद्दस, ने
एंगन दुलार नन्जस अरा एंगागे तंगहै जियन ची-चिच्चस आस नू प.त्तआना
तुले उज्जदन ।

भजन संहिता १६ : ११

नीन एंगन उज्जना गहि पाबन ए-दकोय, निगहै छमहे नू पुरुचका
खुशमारना रःई, निगहै तीना खेक्खा नू सदी-सदी गहि रिभिरना रःई ।

व्य. बिब. ११ : २६-२८

ए-रा, इन्ना ए-न निमागे बरकत अरा सरपे इजतःआदन; अगर नीम उर्बस निमहै धर्मस गहि पे-सकन एकदन ए-न इन्ना चिःइदन नीम मनओर होलेगा बरकत मनो; मुन्दा उर्बस निमहै धर्मस गहि पे-सकन मला मनओर होले निमागे सरपे मनो ।

२ थिस. १ : ७-९

नीम कलपारउर एम गने थिरारआ । उर्बस यीशुस तंगहै सौंगिया मेर्खादूतर गने हृदकारना चिच्चन् मेर्खाती हृदहदरोओस अरा धर्मसिन बल्लनर आरती अरा तंगहै अन्थनदवकत्थन मला मनडरती लेक्खा होओस । आर उर्बस गहि छमहेती आस गहि सवंग गहि जोजोरनाती हेबड़ेरअर मुन्जाम.लका बुडुंरखच्चना गहि दंडेन खक्खोर ।

मत्ती १० : ३२, ३३

“ने ने आलर गहि मुन्धओर ‘ए-म खृस्तस गहिम’ बःअरकी गच्छरनर आरिन ए-नहों मेखान् रऊ एम्बस गहि मुन्धभारे एंगहै बःअरकी गच्छरओन । मुन्दा ने ने आलर गहि मुन्धभारे एंगन नामुकिल कानर आरिन ए-न हों मेखान् रऊ एम्बस गहि मुन्धभारे नामुकिल कालोन ।”

रोम. १० : ६, १०

नीन बैइती उर्बस यीशुसिन माइन होओय, अरा जियाती पत्तोओय का धर्मस आसिन केच्चकर मक्तिन्ती उज्जा चो-दस होले निगहै उबार मनो । एन्देरगेका धर्मी मनागे जियाती पत्तःआना अरा लाड़रआगे बैइती माईन होओना मनी ।

धर्म बबस गहि महबा खतरी उर्मी ततखा यीशु खृस्तासिन कबूल ननो का आस उर्बस त.लदस ।

फिल. २ : ११

१ पित. ५ : ८

निमत र:आ, एजेरकर र:आ ईगेका निमहै मुद्दै ई शैतान गरजारनु-
तिम सिंघलकड़ा लेखआ निमन बेदाकुद्दी का नेकन खक्खो आसीनिम
चर्रो मो-खो ।

इफि. ६ : ११

धर्मस गहि उर्मो कमहड़न अत्ता का नीम नाद गहि बान
मुन्घभारे इज्जकिम रआ ओंगोर ।

मत्ती ४ : १, १०-११

अन्तिले यीशुस शैतानती बिढिरआगे बो-लतस गहि ले-के रोड़ंगन्
केरस । खने यीशुस शैतानन आनियस: ए शैतान नीन इस्ते बोंगय,
ईगेका लिखिचका रई: "उबंस निगहय धर्मसिन एकला ओ-ललगय
अरा सुसर:अय ।" खने शैतान आसिन अम्बिया । अन्तिले मेख्खादूतर
बरअर यीशुसिन सुसराचर ।

१ यो. ३ : ८

ने पाप ननी आस शैतानती त.लदस आँगे शैतान ओंद ओड़ेनतिम
पाप नननुम बरचकीबि:ई । धर्मो खद्दस ईगेम द.हदर एत्थरस का
शैतान गहि नलखन नठाबओस ।

याकूब ४ : ७, ८

आँगे धर्मोस गहि तबेनू रआ । शैतानन अड़आ होले आद
निमगुस्ते बोंगो । धर्मोस हेद्दे बरा होले आस निमहेद्दे बरओस ।

२ थिस. २ : ८

अन्तिले आ हरमजदस दहदर ननतारओस । आसिन उर्बंस
यीशुस तंगहै बैइ गहि बो-लताती चुड़ चुड़मबओस चिओस अरा तंगहै
दोसर खेवा बरना गहि भकमकरनाती आसिन बिल्हाबाच खच्चोस ।

38 चोन्हा ननना चेला मनना गहि अटगःआना तली

यो. १३ : ३५

नीम निमहै मभीन् लोला नन्जनखरओर होले इत्तिम ओर्मर
अखओर का नीम एंगहै चेलर त.लदर ।

१ यो. ४ : २०

एका ओर्तंस बःअदस का ए-न एंगहै भैइसिन दुलार नन्दन,
पेहकन अःस आसिन खांडदस आस फसकर त.लदस ईगे का आस
तंगहै भैइसिन ने-कन आस ईरकस रःअदस आसिन दुलार मला नन्दस
होले धर्मसिन ने-कन आस मला ईरकस रःअदस एकासे दुलार नना
ओंगोस ?

गल. ५ : २२, २३

पंहकन बो-लतस गहि खंजपा इबड़ा तलीः लोला, खुशमारना,
थीरारका जिया, धिरजा धरना, नरमिया, दव, जियानू सन्नी, संयम ।

रोम. ४ : २५

यीशुस नमहै अक्काबलका चहुँ धरतारस अरा नमहै ठहरारना खतरी उज्जा चो-दतारस ।

यो. २० : २६-२८

अखे उल्ला खो-खा फिनहों चेलर एड़पा उला रहचर । थोमससहों आर गने रहचस, आर बलिन मुच्चमलगियर खने यीशुस बरचस अरा आर गहि मभीन् इज्जस दरा आनियस “निमागे जोलजोरना मनन नेकआ ।” अन्तिले आस थोमससिन आनियस, “निंगहै अंगलिन इत्तरा ओन्दोरअर एंगहै खेक्खन पसन्द नना, खेक्खन ओन्दोरअर एंगहै एंओखन कप्पा अरा मलपत्तुऊ मला मुन्दा पत्तुऊ मना ।” खने थोमसस आनाकिर्त्तचिस “एंगहै उबंय अरा एंगहै धरमे ।”

आ बीरिन्तिम यीशुस तंगहै चेलारिन एन्ने तेंगा हेल्सरस, “एंगा यीरूशलीम काना चाड़ रःई जेनू पुरनियर, कोहा, नयगर अरा शास्त्रर गहि खेक्खाती बग्गे दुक्खे चो-दओन अरा पिटतारओन, अरा उल्लमून्द नू उज्जा चोःओन ।” मत्ती १६ : २१

एन्देर नीम बलदर का नाम एवंदत खृस्त यीशुस गहि बपतिस्मा ओच्चकत आस गहि केच्चका गहि बपतिस्मा ओच्चकत ? औती आ केच्चका गहि बपतिस्मा खक्खनाती नाम आस गने मांडरकत जेनू एकासे खृस्तस बंगस गहि महबा गहि ले-के केच्चकर गहि मभिन्ती उज्जा चो-चस अन्नेम नामहों पुना उज्जना लेखआ उज्जोत-ए-कोत ईगेका नाम आस गहि केच्चकानू ओटम मन्नाली आस गने खोजोरकत बेःएदत अरा ई करने नाम मानिम आस गहि उज्जा चोःओनानू ओटम मनरकी खोजरोओत कालोत । रोमी ६ : ३-५

१ पित. १ : १५

एकासे निमहै इङउस नेमहा त.लदस अन्नेम नीम हों तंगआ
सौंये उज्जना ए-कनानू नेमहा मना ।

मत्ती ३ : ११

ए-नगा निमन जियन कित्तःआना खतरी अम्मती बपतिस्मा
चिःइदन मुन्दा एंगहै खो-खान् बरउस एंगती कोड़हे सौंगिया रःअदस,
ए-न आस गहि खरपन चो-दना जोगे म.लकन, आसिम निमन नेमहा
बो-लतस अरा चिच्चती बपतिस्मा चिओस ।

लूक १ : ७४, ७५

धर्मस नमा खतरी इदिन चिःइदस नेकआ का नाम नमहे हींङउर
गहि खेक्खाती लांङरोओत दरा बेगर एलचम आस गहि मने लेखआ
ने-त अरा नेमहाती उज्जना गूटी आस गहि सेवासुसर नन्दत नेकआ ।

रोम. ८ : ६

धर्मस गहि बो-लता निमन् अडमडचकी रःई आंगे नीम कया
गहि मला मुन्दा बो-लता गहि त.लदर ने-कन् खृस्तस गहि बो-लता
मल्ला आस खृस्तस गहि म.लदस ।

प्रे. क्रि. १ : ८

नेमहा बो-लतस निमन् बरओस होले नीम सवंग खक्खोर अरा नीम
एंगहै गोवाही चिःउर मनोर ।

प्रे. क्रि. ४ : ३१

आर गहि बिन्ती नन्जका खो-खा आ अड्डा एकसन आर खोडोरकर
रहचर नुक्करा केरा, अदा आर ओर्मर नेमहा बो-लतसती निन्दयर
दरा धर्मस गहि कत्थन तेंगा हेल्लरर ।

खृस्तानरगे धर्मस गहि हयकटजो-गे गच्छरका 43

१ पित. ४ : १२, १३

अना दुलाहरो, निमन बिढागे चिच्च लेखआ बिढरगा निम.गे मना लगी अदिन एकअम अन्हद कथा एमन् मञ्जकी बि:ई ब:अर धन्दहा अम्बा मना । मुन्दा एकन्ने-एकन्ने खृस्तस गहि सस्तीन् मेसेरदर अन्नेम-अन्नेम रिभिरआ एकत्ती एकाबीरी आस गहि महबा दहदहरओ आबीरी नीमहों अकय रिरयारदर नेकआ ।

भ. सं. ३४ : १८

ने-खै जिया खोदखुरकी र:ई आर गहि हेद्दे धर्मस र:अदस; अरा ने-खै जियानू पछतारना मनी आरिन बछाब:अदस ।

उबंस ब:अदस, अबड़ा उमी आलोन, अरा उमी एकदा बञ्चकी र:ई अबड़न एंगहै खेक्खादिम कमचा; ए-न कीड़ासिन अरा ने-खै बो-लतान् पछतारना र:ई अन्ति ने एंगहै कथन मेनर असरी, आस मैश्या दया ननोन ।

यशै. ६६ : २

भ. सं. ३४ : १६

धर्मरगे अकय बग्गे दुक्खे रःई; मुन्दा उर्बस आरिन अबड़ा उर्मीती
लांडदस ।

रोमी १६ : २०

जोलोजना गहि धर्मस शैतानन चांडेम निमहै खेडुती गेञ्जतःआदस
नेकआ ।

१ कोर. १० : १३

नीम एकअम एन्ने बिढ़िरनान् मला मन्जकर रःअदर एकदा
आलर गहि सहनाती ओत्था रःई : धर्मस पतियारजोगे त.लदस । आस
निगन सहनाती बग्गे बिढ़िरना गहि दुक्खे मला मना चिःओस । बचकन
बिढ़िरना संगे संगे अदिन जितना गहि डहरेनहों ए-दओस जेन् अदिन
नीम सहआ ओंगोर ।

इब्रा. २ : १८

ईगेका यीशुस तानिम बिढ़िरना गहि दुक्खेती सोढरस, आस
आरिन ने बिढ़िरना गहि दुक्खेती सोढोरनर संगरा नना ओंगदस ।

प्र. वा. ३ : २१

ने जीत खक्खोस आसिन ए-न एंगने बे-ळकंडोन् ओकतोओन
एकासे ए-नहों जीत खक्खर एंगहै बंगस गने आस गहि बे-ळकंडोन्
उक्कन रःअदन ।

प्र. वा. २१ : ७

ने जीत खक्खोस आसिम इबड़ा आलोगुट्टी गही खट्टरुऊ मनोस,
ए-न आस गहि धर्म मनोन अरा आस एंगहै खद्दस मनोस ।

प्र. वा. २ : ७

खेबदन ओड़अरकी मेना का खूस्तानी मण्डली गुट्टिन बो-लतस
एन्देर बःअदस । ने जीत खक्खोस आसिन एका उज्जना मघ्न धर्मस
गहि मेखा बेलखा गहि मभीन् रःई अदी गही खंजपन मो-खा चिःओन ।

46 मुक्कामे-तगहि अम्बरनखरना पत्तन् धर्मस बःअदस

रोमी ७ : २, ३

बेजेरका आली तंगहै आलस गहि उज्जना गूटी आसती हे-रकी रःई । मुन्दा आस गहि केच्चका खो-खा आद ने-गयार लेखआ आद आ तंगहै आलसती बिच्छरतारा केरा । तंगहै आलस गहि उज्जना-बीरी आद नन्नस संगे बेजेरओ होले आद भन्डरुऊ आली मन्जा केरा; मुन्दा अदी गहि आलस केच्चस केरस होले आद आ ने-ग लेखआ बिच्छरतारा केरा, एन्नेका आद नन्ना आलस संगे बेजेरओ अन्नुहों भन्डरुऊ आली मल्ली ।

मत्ती ५ : ३२

अक्कुन ए-न निमन आनदन : “एकअम ओर्तस भन्डरना गहि पापन अम्बर एकअम नन्ना करनेती तंगहै आलिन अम्बदस, आस अदिन भन्डरना गहि पाप ननतःआदस, अरा अम्बरका मुक्कन बेजेरदस आसहों भन्डरना गहि पाप ननदस ।”

योहन १४ : ३

ए-न कालोन दरा निमागे अड्डा कमओन, अन्तिले बरओन दरा निमन एंगुसन होओन जेनू एकसन ए-न रःअदन असन नीमहो रओर ।

मत्ती २४ : ३०

अरा आ बीरी आलखइस गहि चिन्हा मेखान् एथेरओ । अरा आबीरी खेखेल गहि उर्मी खूंटता आलर खोबरारओर । आर आलखदासिन सवंग अरा अकय ओहमा सगे बदाली नू बरनन ए-रोर ।

मत्ती २४ : २७

एकन्ने लवका बीड़ी अर्गना तरती लवकारई अरा बीड़ी पुत्तना अड्डा गूटी बिल्ची, अन्तेम आलखइस गहि बरना हों मनो ।

प्र. वा. ३ : ११

ए-न चांडेम बरऊ रःअदन, निगुसन एन्दरा रःई अदिन जतनःअर उइया जेनू ने-कइम निगहै बे-लपगन अम्बनर बच्चनर नेकआ ।

खृस्तस गहि दोसर खेवा बरना

१ यो. ३ : २

अना दुलाहरो अक्कुन नाम धर्मस गहि खदत त.लदत अदा अक्कुगूटी ईद दहदर मला मन्जकीबिःई का नाम एन्दरा मनोत । मुन्दा इवदागा नाम अखदत का एकाबीरी आस दहदर मनोस आबीरी नामहों आस लेखअम मनोत एन्देरगेका नाम आसिन अन्नेम ए-रोत एकासे आस रःअदस ।

प्र. वा. १६ : १५

एरा ए-न खलवस लेखआ बरदन, आस खुशमारऊ त.लदस ने इजिरकिम रःअदस, अरा तंगहै बांचरनन जतनाचकस रःअदस, एन्ने अम्बन मनन का आसगे थोधम ए-कना मनो अरा आलर आस गहि लज्जेन ए-रोर ।

लूक १२ : ४०

आंगे नीमहों सपडारकर रःआ एन्देरगेका एकाबीरी नीम आशेपेंडा मला ए-रोर आ बेडानुम आलखदस बरओस ।

धर्मस गहि कथा

निंगहै कथा एंगहै खेड्डु खतरी ढिबरी अरा एंगहै डहरे
खतरी बिल्ली तली । — भ. स. ११६ : १०५

मेख्रा अरा खे-खेल ताड़रोओ कालो मुन्दा एंगहै कथा
इकलाहों मला ताड़रोओ । — लूक २१ : ३३

धर्मस गहि उमी कथा आस गहि कढ़ियाचकाती टूडिरकी
रःई, अरा मेन्दना, तिगाबःअना, सुढरःआना अरा ने-तधरमन्
डहरे ए-दआगे फायदाचिःऊ तली । — २ तिम. ३ : १६

ए-न निंगहै कथन जियाउला नुंङ्गुचकन रःअदन एकत्ती
ए-न निंगहै बिड़दो पाप अम्बदन ननदन नेकआ ।
— भ. स. ११६ : ११

